

O Val Miñor engalanado para recibir á Volta Ciclista a España

Escrito por Redaccion @valminorinfo
Luns, 27 Agosto 2012 11:48



O Val Miñor prepara as súas mellores galas para recibir á Xª etapa da Volta Ciclista a España 2012..

Os balcóns e veciños de Sabarís vestiranse de gala para a ocasión para partipar no concurso da Deputación de Pontevedra, á vila máis fermosa pola que pase a Volta.

Gondomar porá un autobús de dous pisos para que os cativos poidan seguir a volta dende o máis alto. A ludoteca de Gondomar preparará un escudo xigante do concello que se poderá ver dende o ceo.

Nigrán non ten previsto nada na súa axenda oficial de deportes ou cultura co gallo da Volta.

Xa está todo disposto para recibir a un dos deportes con máis seguimento e repercusión mediática internacional, A Volta Ciclista a España. A Xª etapa dicurrirá por Gondomar, Baiona (Sabarís) e Nigrán (Ramalloza, Panxón). O Concello de Gondomar e os comerciantes de Sabarís COEMSA porán todo o seu empeño para amosar as mellores galas para animar ao pelotón que pasará polas vilas preto das 13:30h deste martes 28 de agosto.

Gondomar vólcase coa Volta

O Val Miñor engalanado para recibir á Volta Ciclista a España

Escrito por Redaccion @valminorinfo
Luns, 27 Agosto 2012 11:48

O Concello, a través da Concellería de Turismo, porá en marcha toda unha serie de iniciativas para recibir á décima etapa da Volta ao seu paso polo municipio. A etapa, que sairá de Ponteareas e levará ou pelotón ata Sanxenxo, pasará por Gondomar ás 13:30 horas, atravesando Vincios pola PO-331 e percorrendo a rúa Eduardo Igrexas e a Avenida Elduayen, [recentemente asfaltada](#) para a ocasión, para saír pola PO-340 dirección Nigrán (Ramallosa).

Entre estas iniciativas, o Concello colocará un autobús convertible de dúas plantas para que os cativos de Gondomar poidan ter unha mellor visión do espectáculo deportivo. Ou autobús, similar aos londinienses, estará estacionado na confluencia da rúa Eduardo Igrexas e a Avenida de Elduayen. A iniciativa conta coa colaboración da Asociación de Comerciantes AGEGO de Gondomar.

Os nenos e nenas que desexen contemplar a carreira dende o autobús deberán achegarse durante a mañá ás inmediacións da confluencia de ditas rúas. As prazas cubriranse por rigorosa orde de chegada.

Dispositivo de seguridade

Pola súa banda, a Policía Local, en coordinación coa Garda Civil, porá en marcha un operativo especial de seguridade para que o paso da etapa realícese sen incidencias e nas maiores condicións de seguridade. O operativo contará ademáis coa colaboración dous voluntarios do Clube Ciclista de Gondomar.

Vista aérea do escudo de Gondomar

En paralelo, os nenos e meniñas que están a participar na ludoteca municipal elaborarán para o martes un escudo xigante do concello que cubrirá o céspede do campo municipal de fútbol das Cercas. Tanto o escudo como as letras que compoñen o nome do municipio poderán ser vistos dende o aire polo helicóptero que cubre a emisión en TV.

O Val Miñor engalanado para recibir á Volta Ciclista a España

Escrito por Redaccion @valminorinfo
Luns, 27 Agosto 2012 11:48



Baiona coa Volta

Despois de deixar atrás Gondomar e Ramallosa, o pelotón tomará dirección Baiona entrando pola avenida interior de Sabarís, Avda Julián Valverde e Porta do Sol, seguindo cara á Avda Sabarís para finalizar dando a volta na rotonda da "Curva do Manco" en dirección a rúa Areas e regresando cara a Ramallosa pola estrada do litoral (Avda. da Foz do Miñor). A volta non chegará ata o corazón da vila real, tal e como aparece nalgúns trazados iniciais publicados nas páxinas oficiais.

A Vila mellor engalanada

As obras de humanización da rúa Julián Valverde, non serán impedimento para o paso da Volta nin para tentar que a avenida luza coas súas mellores galas e facer sentir o calor dos seus veciños.

A Deputación de Pontevedra organizou un concurso no que participan as Asociacións de comerciantes de todas vilas polas que trascorre a volta, a finalidade é premiar á "Vila mellor engalanada", o premio de 4.000 euros será repartido entre as asociacións da Vila premiada. Dende o Concello de Baiona, e a partir dunha iniciativa dos comerciantes das asociacións (Coemsa e Aceba), engalanarán Baiona de cor vermella e laranxa.

Dende COEMSA convidan á xente a participar acudindo o día da volta ás rúas vestidos cunha camiseta vermella ou laranxa e con globos, e cascos de ciclistas. Os balcóns e xanelas situadas no tramo polo que pasará a volta decoraranse dun modo moi sinxelo, a partir dunha saba branca e globos vermellos facendo un lazo no medio.

O Val Miñor engalanado para recibir á Volta Ciclista a España

Escrito por Redaccion @valminorinfo
Luns, 27 Agosto 2012 11:48

Os globos vermellos poderán recollerse nos negocios de Sabarís asociados a COEMSA e ACEBA, así como nas oficinas de ACEBA.

Nigrán deixará pasar á volta

Parace que o paso da volta por Nigrán pasará desapercibida, ou polo menos para a concellería de Turismo, Deportes e Cultura que dirixe Liliana Silva. Así se desprende da falta de información e programación por parte do concello nigranés que non fixo público ningún comunicado sobre ningún acontecemento ou axenda organizada dende o concello. A [web](#)

[municipal](#)

e o seu perfil en

[Facebook](#)

tampouco recollen nada sobre o evento a día de hoxe. De confirmarse o feito, o concello nigranés perdería a oportunidade de facerse visible internacionalmente nun evento de grande repercusión e cobertura informativa.

{youtube}QvHixs-uOg8{/youtube}